

ՍՈՑԻԱԼԻՍՏԱԿԱՆ ԿՈՒԼՏՈՒՐԱՅԻ ԶԱՐԳԱՑՈՒՄԸ ԱԴՐԲԵՋԱՆՈՒՄ

Մ. ԱՐԻՖ (Բաֆու)

Հոկտեմբերյան ռևոլյուցիան, ճնշված ժողովուրդներին տալով քաղաքական և տնտեսական ազատություն, նոր դարաշրջան բացեց նրանց հոգևոր զարգացման համար:

Աղրբեջանում Սովետական իշխանություն հաստատելուց հետո ձեռնարկվեցին անհրաժեշտ բոլոր միջոցները, որպեսզի երկիրն ընթանա կուլտուրական աճի ճանապարհով, ժողովուրդը հաղորդակից դառնա համաշխարհային կուլտուրային, ժամանակակից գիտության ու տեխնիկայի նվաճումներին: Ռևոլյուցիայի կողմից ազատագրված ժողովրդական տաղանդները ոտք դրին անարգել առաջադիմության ուղին:

Սկսած 1920 թվականից Սովետական պետության կարևորագույն միջոցառումները լուսավորության ու գիտության, գրականության և արվեստի բնագավառում ուղղված էին այն բանին, որպեսզի մի կողմից արագ կերպով վերացվի այն հետամնացությունը, որը ժառանգություն էր մնացել բուրժուա-կալվաժատիրական կարգերից, մյուս կողմից՝ համաշխարհային գիտության ու կուլտուրայի նվաճումները տարածվեն ժողովրդական լայն զանգվածների մեջ, ստեղծվեն նոր կադրեր, առանց որոնց աներևակայելի կլինեին սոցիալիստական կուլտուրայի բարգավաճումը: Կազմակերպվեցին նոր ինստիտուտներ և հիմնարկություններ, որոնք ընդգրկում էին ժողովրդի հոգևոր կյանքի բոլոր բնագավառները: Ռուս մասնագետների ղեկավարությամբ և օգնությամբ կարճ ժամանակամիջոցում աճեցին աղրբեջանցի երիտասարդ կադրեր՝ գիտության ու կուլտուրայի գործիչներ: Լենինյան ազգային քաղաքականության կենսագործման շնորհիվ օրեցօր ընդլայնվում էր կուլտուրական շինարարությունը Աղրբեջանում: Ծաղկեց ձևով ազգային, բովանդակությամբ սոցիալիստական աղրբեջանական սովետական կուլտուրան: Այդ բարգավաճման վառ արտահայտությունը մենք տեսնում ենք գեղարվեստական գրականության բնագավառում նկատվող հսկայական նվաճումների մեջ:

Իր զարգացման մեջ ազգային դասական գրականության, ինչպես նաև ռուս գրականության առաջավոր տրադիցիաների վրա հենվող աղրբեջանական սովետական գրականությունը իր գաղափարական նպատակասլացությամբ և ստեղծագործական մեթոդով նոր գրականություն է:

Սովետական գրականությունը ամրապնդվել է ամեն տեսակի ազգային սահմանափակվածության դրսևորումների, բուրժուական ռեակցիոն գաղափարախոսության և դրական հին նորմաների դեմ մղվող սլաքարում: Օգտվելով

սոցիալիստական ռեալիզմի ստեղծագործական մեթոդից, ճշմարտացիորեն արտացոլելով սոցիալիստական շինարարության հազթանակները և սովետական մարդկանց ստեղծարար գործունեությունը, մեր գրողները ստեղծել են ղեղարվեստական ինքնատիպ գործեր՝ ղեղարվեստական գրականության բոլոր ժանրերի գծով: Սովետական ժամանակաշրջանում ղեղարվորեն ընդլայնվեցին ադրբեջանական բազմադարյան պոեզիայի շրջանակները: Փոխվեց բանաստեղծների լիրիկական հերոսը. կյանքից ղժգոհ, լալագին թախծող, իսկ երբեմն էլ խրատամոլության հերոսին պոեզիայում փոխարինելու եկավ մեր դարաշրջանի ակտիվ, կամքի տեր մարդը՝ նոր կյանքի կերտողը: Սովետական բանաստեղծների վիպերգական ստեղծագործություններում սոցիալիզմ կառուցողների ղեղարվեստական կերպարներին ղուղընթաց վառ կերպով մարմնավորվել է աշխատավորների պատմական պայքարը հանուն ազատության: Սամեդ Վուրդունի «Մահվան նստարան», «Նեգրը խոսում է...», «Դարի գրոշակակիրը», Թասու Ռդայի «Գերմանիա», «Լենին», Մահմեդ Ռահիսի «Լենինգրադի վրա» պոեմներում ղեղարվեստական արտացոլում են գտել ժողովրդի խոր մարդկային ղգացումները և մեծ իղձերը:

Ադրբեջանական սովետական պոեզիան հանդիսացավ ամենաբարձր ղաղափարների՝ պրոլետարական հումանիզմի, հայրենասիրության, ժողովուրդների բարեկամության, խաղաղության ու ղեմոկրատիայի մունետիկ: Սուլեյման Ռուստամի, Սամեդ Վուրդունի, Մահմեդ Ռահիմի, Թասու Ռդայի, Օսման Սարիվելու, Ահմեդ Ջամիլի, Նիգյար Ռաֆիբեյլու, Միրվելի Դիլբաղու, Թախտիար Վահաբղաղեի և այլ բանաստեղծների ղավագույն ստեղծագործությունները մտան սովետական պոեզիայի ոսկե ֆոնդը:

Ինչպես հայտնի է, մինչ ղուլուցիան վիպական ժանրը ադրբեջանական գրականության մեջ սաղմնային վիճակում էր գտնվում: Սովետական գրողների ստեղծագործական ջանքերի շնորհիվ այդ ժանրը ներկայումս գրավում է աչքի ընկնող տեղ: Սովետական իշխանության տարիներին աճեցին բաղմաթիվ վիպագիրներ, ստեղծվեցին տասնյակ հոյակապ վեպեր, որոնց թվում կարելի է նշել Սուլեյման Ռահիմովի «Ծամո» եռհատոր վեպ-ղյուցաղներգությունը, Աբուհասանի «Բարեկամության բաստիոնը», Մեհտի Հուսեյինի «Այլերոնը» և «Առավոտը», Միրղա Իբրահիմովի «Կգա օրը» և «Գետերի միախառնումը» և այլն:

Նշված վեպերում արտացոլված են ադրբեջանական, ղուս և ուրիշ եղբայրական ժողովուրդների պայքարը Սովետական իշխանության համար, մեր մարդկանց կողմից աշխատանքում և մարտում ցուցաբերած համարձակությունը և խիղախությունը, սոցիալիզմի ու կոմունիզմի կառուցման պայմաններում նրանց ձեռք բերած հոգեկան նոր հատկությունները և բարոյական կերպարը: Նրանցից ղավագույնները ղայնորեն հայտնի են ոչ միայն Սովետական Միության մեջ, այլև արտասահմանում: Մեհտի Հուսեյինի «Այլերոն» և Միրղա Իբրահիմովի «Կգա օրը» և ուրիշ վեպեր թարղմանված են աշխարհի ղատ ղեղուներով:

Գեղարվեստական գրականության բուռն աճը, նրա տեսական-ղաղափարական հաջողությունները և նվաճումները հնարավոր դարձան Կոմունիստական պարտիայի հոգատարության և անմիջական ղեկավարության շնորհիվ: Կենտրոնական Կոմիտեն իր պատմական որոշումներում ոչ միայն ժամանակին հիշեցնում էր գրողներին և քննաղատներին սովետական գրականության առաջ կանգնած խնդիրների մասին, այլև տալիս էր այդ խնդիրների կենսագործման կոնկ-

լետ ծրագրերը: Սովետական գրողները, ոգեշնչված պարտիայի և նրա Կենտրոնական Կոմիտեի ցուցումներով, էլ ավելի ամրապնդեցին գրականության կապը կյանքի հետ, իրենց ստեղծագործություններում առաջ քաշելով կոմունիստական շինարարության կարևորագույն հարցեր, իրենց գեղարվեստական կերպարներում մարմնավորելով մեր մարդկանց հոգեկան նոր գծերը:

Սովետական բաղմազդ գրականության բաղկացուցիչ մասը հանդիսացող ադրբեջանական սովետական գրականությունը, որն արժեքավոր ավանդ է ներմուծել սոցիալիստական կուլտուրայի գանձարանը, աճում և ամրապնդվում է իր առաջընթացում եղբայրական սովետական ժողովուրդների ընտանիքում, նրանց գրականությունների հետ փոխներգործության մեջ, ուստի մեծ գրականության անմիջական օգնության և բարերար ազդեցության պայմաններում: Տարակույս չկա, որ եղբայրական ժողովուրդների գրականությունների փոխադարձ կապը և փոխազդեցությունը այսուհետև էլ կաճեն և ավելի մեծ չափեր կընդունեն:

Գեղարվեստական գրականության զարգացումը շատ բանով նպաստեց նաև թատերական արվեստի առաջագիմությանը: Ադրբեջանական թատրոնը, ամուր կապեր ունենալով ռեալիստական տրագիցիաների հետ և ոգեշնչվելով աշխատավոր ժողովրդի շահերով, Սովետական իշխանության հաստատման առաջին իսկ օրերից իր ռեպերտուարը կազմեց համաձայն նոր պահանջմունքների: Ստեղծվեցին նոր թատրոններ, այդ թվում, ռեոլյուցիայի առաջին տարիներին քաղ-դաստիարակչական կարևոր դեր կատարած «Նրգիծանքի և ագիտացիայի թատրոնը»: Թատրոնների ռեպերտուարը հարստացավ ադրբեջանական սովետական դրամատուրգիայի հիմնադիր Ջաֆար Ջաբարլիի, ինչպես նաև Սամեդ Վուրդունի, Միրզա Իրրահիմովի, Սաբիտ Ռահմանի, Մեհտի Հուսեյնի, էնվեր Մամեդլիանի, Սուլեյման Ռուստամի և ուրիշների նոր, բարձր գեղարվեստական ստեղծագործություններով: Այդ գրողների կողմից ստեղծված դրամատիկական գործերի կարևորագույն առանձնահատկությունը այն է, որ դրանց մեջ գաղափարական ու գեղարվեստական առավել լիակատարությանը շողափվում են արդի գարաշրջանի կենսական հարցերը: Իր «Սևիլ», «Ալմաս», «1905 թվականին», «Յաշար» պիեսներում Ջաֆար Ջաբարլին, հետևելով սոցիալիստական ռեալիզմի ստեղծագործական մեթոդին, տվել է առաջավոր սովետական մարդկանց կենդանի կերպարներ, դրական հերոսների մի ամբողջ շարք: Սովետական թատրոնի կյանքում նշանակալից իրադարձություն է հանդիսացան Սամեդ Վուրդունի «Վագիֆ», «Ֆարհադ ու Շիրին» և «Նունլար» բանաստեղծական դրամաները, որոնք արտացոլում են ադրբեջանական ժողովրդի պատմության վառ էջերը:

Ադրբեջանական սովետական դրամատուրգիան շարունակում է զարգանալ ուստի համաշխարհային գրականության ամենաառաջագեմ տրագիցիաների հիման վրա: Մեր թատրոնների ռեպերտուարների հարստացումը ընթանում է դերասանական վարպետության աճին զուգընթաց: Եթե անցյալում կանացի դերերը կատարում էին տղամարդիկ, ապա այժմ ադրբեջանական դերասանուհիները վարպետորեն կատարում են դրամատուրգ-կլասիկների պիեսների ամենաբարդ կանացի դերեր: Բեմական արվեստի խոշոր վարպետների կողքին են Ա. Մ. Շերիֆդադեն, Մարդիա-խանումը, Ուլվի Ռաջաբը, Միրզա-Աղա Ալիևը, Սիդդի Ռուխարան, Ռիդա Ռահմասիրը, Քյասիմ Զիյան, սովետական ժամանակաշրջանում աճեց տաղանդավոր դերասանների ու թատերական գործիչների

մի ամբողջ բանակ (Իգայատզագ Ա. Իսքենդերով, Ալի Կուրբանով, Ա. Գերայ-թեյլի, Սոնա Հաջիևա, Հեկյամ Կուրբանովա, Մուստաֆա Մարգանով, Բարատ Շեկիրևսկայա, Մոխսունա Սանան, Իսմայիլ Թալիթլի, Ալի Զեյնալով և ուրիշներ): Ռեսպուբլիկայի Ակադեմիական դրամատիկական թատրոնը, բացի աղբյուրեջանական գրողների գործերից, հաջողությամբ բեմադրում է ուսու և համաշխարհային գրականության կլասիկներին՝ Շեքսպիրի, Շիլլերի, Մոլերի, Գոգոլի, Օստրովսկու, Չեխովի, Գորկու, ինչպես և հայ անվանի դրամատուրգ Նիրվան-դադեի և ուրիշների լավագույն գործերը: Թատրոնը վճռական պայքար մղելով ֆատալիզմի, ազգային սահմանափակվածության և արվեստի մեջ ունեցիտն հոսանքների դրսևորումների դեմ, հաստատում է ժողովրդականության ու կոմունիստական դադափարականության սկզբունքները:

Ադրբեջանական թատրոնի դադափարա-դեդարվեստական զարգացման գործում նշանակալից դեր կատարեց թատերական գործիչների առաջավոր փորձը: Այդ են վկայում արվեստի հաճախակի անցկացվող օլիմպիադաները և տասնօրյակները, ստեղծագործական դիտումները, Մոսկվայի և ադրբեջանական թատրոնների սիստեմատիկաբար համատեղ անցկացվող աշխատանքները:

Դրամատիկական թատրոնին համահավասար շտեպնված հաջողությունների հասան նաև երաժշտական և օպերային արվեստը: Ստեղծվել են ժողովրդական մասսաների աճած կուլտուրական պահանջմունքներին համապատասխանող երաժշտական գործեր:

Աշխույժ վեճերը այն բանի շուրջը, թե ի՞նչ պետք է իրենից ներկայացնեն ազգային երաժշտությունը և ազգային օպերան, ինչպիսի՞ն պետք է լինեն ադրբեջանական կոմպոզիտորների երաժշտական ստեղծագործությունների բովանդակությունը և ձևը, չէին կարող չհանգեցնել ի վերջո տրագիցիաների ու նորարարության փոխհարաբերության, ժողովրդական երաժշտության և համաշխարհային դասական երաժշտության հարաբերության պարզաբանմանը: Ադրբեջանական սովետական երաժշտությունը ամենևին չի բնթացել միակողմանի զարգացման ուղիով. լինելով բովանդակությամբ սոցիալիստական և ձևով ազգային, այն ներդաշնակում է իր մեջ ազգային դասական երաժշտության, ժողովրդական երգերի ու թմբիկ-մեղեդիական կառուցվածքը և ուսու ու համաշխարհային դասական երաժշտության սիմֆոնիզմը, նրան հավասարապես հարազատ են մուղամները և սիմֆոնիաները, աշուղական երգերը և ումանները, թաոն ու դաշնամուրը, ժողովրդական պարերը և բալետը: Այդ բանի ցայտուն ապացույցն են Ադրբեջանում սովետական կոմպոզիտորների ստեղծած օպերաները, բալետները, սիմֆոնիաները, սիմֆոնիկ մուղամները: Գլխերի «Շահ Սենեմ», Ուղեիր Հաջիրեկովի «Քյոռօղլի», Մ. Մադոմանի «Նարգիզ», Ֆիրբեռ Ամիրովի «Սևիլ» օպերաներում, Ա. Բադալբեյլի «Կուլսի աշտարակը», Կարա Կարաևի «Յոթ գեղեցկուհիներ» բալետներում, ինչպես նաև Ասեֆ Զեյնալիի, Զեյնալ Հաջիևի, Նիյադիի, Սաիդ Ռուստամովի և ուրիշների սիմֆոնիաներում, երգերում ու ումաններում վարպետորեն զգտագործված են ինչպես ադրբեջանական ժողովրդական երաժշտությունը, նուշպես և ժամանակակից երաժշտական կուլտուրայի նվաճումները: Այդ ստեղծագործությունները մեծ հաջողությամբ կատարվում են նաև արտասահմանում: Ֆիրբեռ Ամիրովի «Շուր» ու «Քուրդ Օվշարի» և Նիյադիի «Ռաստ» սիմֆոնիկ մուղամները դնահատվում են արտասահմանում որպես ազգային երաժշտության միանգամայն ինքնատիպ նմուշներ: Զեյնալովսկայան «Ռուդե պրա-

վո» թերթը գրել է, որ «Ռաստ» սիմֆոնիկ մուլամը մի գործ է, որի միջոցով ճանաչվում է ադրբեջանական ժողովրդի երաժշտական բարձր կուլտուրան և հեղինակի ստեղծագործական վարպետությունը: Ֆրանսիական ամսագրերից մեկը նշում էր, որ «Շուր» սյուիտան օժտված է վեհությամբ և ճշմարտությամբ, որոնք յուրահատուկ են երաժշտական արվեստի իսկապես նշանավոր ստեղծագործություններին:

Ադրբեջանական կոմպոզիտորները հմտորեն օգտագործում են նաև այլ ժողովուրդների ազգային երաժշտությունը: «Ալբանական ռապսոդիա» սիմֆոնիկ երկում և «Ամպրոպի արահետով» բալետում կոմպոզիտոր Կարա Կարաևը ցույց տվեց իր բանիմացությունը տարբեր ազգերի երաժշտական ստեղծագործության բնադավառում և ցուցաբերեց բարձր վարպետություն ինքնատիպ ժանրային պատկերներ ստեղծելու գործում:

Օպերան և բալետը դաստիարակել են բեմական արվեստի տաղանդավոր վարպետներ: Մեծ են օպերային ականավոր դերասաններ ու դերասանուհիներ՝ Ի. Սարաբսկու, Բյուլ-Բյուլ Մամեդովի, Շելքեթ խանում Մամեդովայի, Ֆաթմա-խանում Մուխտարովայի ծառայությունները երիտասարդ տաղանդների դաստիարակման գործում: Ստալինյան մրցանակի չառերես, ՍՍՌՄ ժողովրդական դերասան Բյուլ-Բյուլ Մամեդովը ռեսպուբլիկայի ամենաուժեղ և ունակ օպերային կատարողներից մեկն է: Նրա բազմակողմանի ստեղծագործության մեջ օրգանապես ձուլվել են ժողովրդական երաժշտության հարստություններն ու ժամանակակից երաժշտական տեխնիկայի նորագույն նվաճումները: Լինելով ադրբեջանական պետական կոնսերվատորիայի պրոֆեսոր, նա ներկայումս էլ զբաղված է երիտասարդ երգիչների դաստիարակման ազնիվ գործով:

Օպերային արվեստի զարգացման մեջ առանձնապես պետք է նշել Հազիդադ Ռեզաևայի, Մ. Տ. Բադիրովի, Գ. Հաջիբաբաբեկովի, Ա. Բունիաթդադեի և ուրիշների դերը: Նշանակալի իրադարձություն հանդիսացավ ադրբեջանական տաղանդավոր պարուհիների երևալը բեմի վրա: Այն ժամանակ, երբ նախքան ռեվոլյուցիան կինը ընդհանրապես չէր կարող երևալ բեմի վրա, այժմ ադրբեջանական կանայք հաջողությամբ ելույթ են ունենում դասական և սովետական բալետներում: Այդ գործում առանձնապես զգալի է ՍՍՌՄ ժողովրդական դերասանուհի Գամար Ալմասդադեի՝ ադրբեջանական առաջին պրիմաբալերինայի դերը: Նրա ղեկավարությամբ իր հետագա զարգացումն է ստանում ազգային բալետը ու աճում է երիտասարդ պարուհիների վարպետությունը: Լեյլա Վեքիլովան իր կատարողական վարպետությամբ կանգնած է համաշխարհային բալետային արվեստի բարձրության վրա:

Մեծ աշխատանք է կատարված Ադրբեջանում նաև կինոարվեստի ասպարեզում, որն իր սկիզբն առնում է 1923 թվականից, երբ էկրանների վրա հանդես եկան առաջին ադրբեջանական կինոնկարները: Նրանց մեջ հատկապես աչքի էր ընկնում «Լեդենդ կուլսի աշտարակի մասին» կինոնկարը: Որոշ ժամանակ անց ադրբեջանական կինոն նվաճեց լայն ճանաչում շնորհիվ այնպիսի կինոնկարների, ինչպիսիք են՝ «Հաջի Կարան», «Սեյի», «Ալմաս», «Գիլյանի դուստրը», «Բաքվեցիները», «Գյուղացիները» և այլն: Այդ առաջին կինոնկարների ստեղծման ու կինոգործիչների տեղական կադրեր նախապատրաստելու գործում մեծ օգնություն ցույց տվեցին Մոսկվայի և Լենինգրադի խոշոր մասնագետները, հատկապես, կինոռեժիսոր Համո Բեկ-Նազարյանը, սցենարիստ Գ. Մդիվանին և ուրիշները: Ադրբեջանական կինոարտադրության մեջ արմա-

տական բեկում տեղի ունեցավ 1953—1954 թվականներին: ՍՍԿՊ 20-րդ համագումարը սովետական կինոգործիչների առջև դրեց թողարկվող կինոարտադրանքի որակի և քանակի բարձրացման կարևորագույն խնդիրները:

Պատասխանելով պարտիայի ու ժողովրդի պահանջներին, ադրբեջանական դրամատուրգները, ռեժիսյորները, կոմպոզիտորները, դերասանները, նկարիչները և օպերատորները համատեղ ջանքերով մի քանի տարիների ընթացքում ստեղծեցին բարձրորակ դեղարվեստական կինոնկարներ: Դրանց թվում կարելի է նշել «Հեռավոր ափերում» (Սովետական Միության հերոս Մենսիխի Հուսեյնյադեի մասին), «Խորթ մայրը», «Մի ամբողջի գաղտնիքը», «Եթե ոչ նա, ապա սա» և ուրիշ կինոնկարներ: «Պատմվածք Կասպիայի նավագործների մասին» և «Ծովի նվաճողները» կինոնկարները վերջերս արժանացան Հենինյան մրցանակի: Ներկայումս ադրբեջանական կինոն ապրում է իր ստեղծագործական հնարավորությունների ծաղկման շրջանը:

Սովետական իշխանության տարիներին մեծ տեղաշարժեր տեղի ունեցան կերպարվեստի՝ նկարչության, քանդակագործության ու ճարտարապետության բնագավառում: Նարունակելով ականավոր ժողովրդական նկարիչ-երգիծաբան Ազիմ Ազիմզադեի ռեալիստական տրագիցիաները, տաղանդավոր նկարիչներ՝ Մ. Աբդուլաևը, Գ. Փաղիկովը, Ս. Բախուզադեև, Ս. Սալամզադեև, Ի. Ախունդովը և ուրիշներ իրենց գեղարվեստական կտավներում կենդանացնում են սովետական մարդկանց աշխատանքային հերոսությունը, նրանց երջանիկ կյանքը, նոր կենցաղը, Ադրբեջանի դեղատեսիլ պեյզաժները: Սոսկվայի, Հենինգրադի, Բաքվի, Թբիլիսիի և Սովետական Միության այլ քաղաքների գեղարվեստական ուսումնարաններում մասնագիտական կրթություն են ստանում ադրբեջանցի երիտասարդ նկարիչները և քանդակագործները: Մեր նկարիչների գործերը ցուցադրվում են միութենական ու արտասահմանյան գեղարվեստական ցուցահանդեսներում: Համաժողովրդական սեր են վայելում Ս. Միրզադադեի, Մ. Ռախմանդադեի և ուրիշների շինարարությանը նվիրված կտավները, Ա. Բախուզադեի, Տ. թաղիևի և ուրիշների պեյզաժները: Փոքր ավանդ չեն ներմուծել նկարիչները ժողովրդական արվեստի հնագույն ձևերից մեկի՝ գորգագործության մեջ: Արվեստի վաստակավոր գործիչ Լյատիֆ Քերիմովի գեկավարությամբ ազդրբեջանական գորգագործները ստեղծել են սյուժետային մեծ գորգեր:

Սովետական Ադրբեջանի քանդակագործները կերտել են մի շարք մոնումենտալ հուշարձաններ: Դրանց թվին են պատկանում Ադրբեջանական ՍՍՌ արվեստի վաստակավոր գործիչ Ջ. Բաքլազլիի կերտած Վ. Ի. Հենինի տասնըմեկմետրանոց արձանը, որը ճշմարտացի, պարզ ու միաժամանակ հոյակապ, մոնումենտալ կերպով վերստեղծում է ռուլյուցիայի առաջնորդի կերպարը, Ս. Մ. Կիրովի գրանիտե արձանը, որի հեղինակն է ՍՍՌՄ Կերպարվեստների ակադեմիայի իսկական անդամ ու Ադրբեջանական ՍՍՌ արվեստի վաստակավոր գործիչ քանդակագործ Պ. Սաբալը: Ադրբեջանական քանդակագործներ Ֆ. Աբդուրախմանովը, Ջ. Կարյադզին և ուրիշները կերտել են ադրբեջանական գրականության կլասիկների՝ Նիզամու, Ֆիզուլու, Նաթևանի, Մ. Ֆ. Ախունդովի, Սաբիրի, Ն. Նարիմանովի, Ջ. Ջաբալիի, Մամեդ Վուրդունի, ինչպես նաև կոմպոզիտոր Ուզեիր Հաջիբեկովի հիանալի պորտրետները:

Սովետական իշխանության տարիներին բազմադարյան պատմություն ունեցող ադրբեջանական ժողովրդի ճարտարապետությունը առաջին անգամ ի սպաս դրվեց ժողովրդին: Բնակելի տների, դպրոցների, ակումբների, մանկա-

կան հիմնարկների, հիմնադանոցների և այլ կուլտուր-կենցաղային կառույցների շինարարությունը դրվեց ճարտարապետության ուշադրության կենտրոնում:

Փոխվեց ռեսպուբլիկայի քաղաքների ճարտարապետական դեմքը: Ադրբեջանի ճարտարապետության հաջողությունները առավել վառ կերպով երևում են Բաքվում: Քաղաքի հրապարակների ու փողոցների վերակառուցումը, ամբողջ նոր շրջանների ստեղծումը վերափոխեցին Բաքուն, որը դարձավ մեր Հայրենիքի ամենագեղեցիկ քաղաքներից մեկը: Բավական է ասել, որ Սովետական իշխանության տարիներին, նախառնուցիկ շրջանի հետ համեմատած, երեք անգամ մեծացել է քաղաքի բնակելի տարածությունը և քառասուն անգամ ավելացել են կանաչ տարածությունները: Քաղաքի մի շարք հրապարակներում սկսեցին ձևավորվել ճարտարապետական անսամբլներ, որոնք վկայում են ռեսպուբլիկայի ճարտարապետների հասուն վարպետությունը: Ռեսպուբլիկայում ծնունդ առան նոր քաղաքներ, որոնք, չնայած իրենց երիտասարդ հասակին, դարձան Ադրբեջանի կարևոր կենտրոնները: Բավական է հիշել Մինգեչաուրը և Սումգաիթը, որոնք վեր խոյացան այնտեղ, ուր ընդամենը 12 տարի առաջ անպտուղ անապատ էր:

Կատարելով սովետական ճարտարապետության ժամանակակից խնդիրները, Ադրբեջանի ճարտարապետները շատ բան են արել Սովետական Ադրբեջանի սոցիալիստական ճարտարապետության ազգային ինքնատիպության ձևավորման համար: Նրանք կարողացան վճռականորեն հաղթահարել դժվարություններն ու խոչընդոտները, որոնք կանգնած էին նրանց ճանապարհին, դեն նետել ֆորմալիզմը և կոնստրուկտիվիզմը, վերացնել ոչ-քննադատական մոտեցումը ազգային ճարտարապետության տրադիցիաներին և ավելորդաբանության ու ցուցադրական մոնումենտալության վնասակար տենդենցները: Այժմ ադրբեջանական ճարտարապետները լայնորեն օգտագործում են սովետական ճարտարապետության հարուստ փորձը, շոշափելի ավանդ են ներդնում սոցիալիստական ճարտարապետության մեջ:

Ադրբեջանական ՍՍՌ Գիտությունների ակադեմիայի իսկական անդամ, Ադրբեջանական ՍՍՌ արվեստի վաստակավոր գործիչ ճարտարապետ Միքայիլ Հուսեյնովի ստեղծագործության և մինչև 1946 թվականն ականավոր ճարտարապետ Սադիխ Դադաշևի հետ միասին կատարած աշխատանքներում իրենց արտացոլումն են գտել սոցիալիստական ռեալիստական ճարտարապետության լավագույն գծերը: Նրա նախադրերով կառուցված շենքերում Բաքվում և այլ քաղաքներում (Նիզամու անվան կինոթատրոնը, Կոնսերվատորիան, Նիզամու թանգարանը, Ադրբեջանական ՍՍՌ տաղավարը ՍՍՌԴ ժողովրդական տնտեսության նվաճումների համամիութենական ցուցահանդեսում և այլն) նոր զափարակյա հիման վրա ստեղծագործորեն զարգացված են ադրբեջանական ժողովրդի ազգային ճարտարապետության լավագույն տրադիցիաները:

Իրենց կառուցվածքով արդիական շենքերում լայնորեն օգտագործվում են գունեղ ղետալները և ադրբեջանական հնագույն զարդանկարները: Մ. Հուսեյնովի նախագծերում, ինչպես նաև նրա նախագծերով կառուցված շենքերում, զգացվում է արտաքին գեղեցկության հետ միաժամանակ խորը իմաստ: Նրանց մեջ մոնումենտալությունը բարձրանում է մինչև հրաշալի սլարդոլայան մակարդակը:

Ներկայումս Բաքվում ու Ադրբեջանի այլ քաղաքներում կառուցվում են նոր թանգարաններ, թատրոններ, գրադարաններ, կուլտուրայի և սպորտի պալատներ, ակադեմիական քաղաքիկ և այլն: Դրանց նախագծերը պատկանում են ադրբեջանական սովետական ճարտարապետներին:

Խոշոր նվաճումներ ունի ադրբեջանական ժողովուրդը գիտության ու տեխնիկայի բնագավառում: Երկիրը, որը մոտ անցյալում շուներ ո՛չ ազգային գիտական ու տեխնիկական կադրեր, ո՛չ գիտական հիմնարկներ ու բարձրագույն ուսումնական հաստատություններ, կարճ ժամանակամիջոցում անձանաշելիորեն կերպարանափոխվեց: Ռեսպուբլիկայում Սովետական իշխանության հաստատման առաջին իսկ օրերից ձեռնարկվեցին համապատասխան միջոցառումներ՝ բնակչության անգրագիտությունը վերացնելու և գիտա-մանկավարժական կադրեր դաստիարակելու ուղղությամբ: Ռուս գիտնականների օգնությամբ բացվեցին զանազան մասնագիտական դասընթացներ և բարձրագույն ուսումնական հաստատություններ:

Քառասուն տարվա ընթացքում բարձրագույն ուսումնական հաստատությունների թիվը Ադրբեջանում հասավ տասներկուսի: Նրանցում կրթություն են ստանում 33 հազարից ավելի սովորողներ: Ադրբեջանի Պետական համալսարանում սովորում են 7300 ուսանող, Ադրբեջանական Մանկավարժական ինստիտուտում՝ 7100 ուսանող, Նավթի ու քիմիայի ինստիտուտում՝ 5600: Ադրբեջանի բարձրագույն ուսումնական հաստատությունները նախապատրաստել են մոտ հարյուր տասը հազար բարձրորակ մասնագետներ, որոնցից 37 հազարը գիտա-մանկավարժական աշխատողներ են, 17 հազարը՝ ճարտարապետներ, 11 հազարը՝ բժիշկներ, 7 հազարը՝ գյուղատնտեսության մասնագետներ: Ադրբեջանական բարձրագույն ուսումնական հաստատությունները ավարտած մասնագետների մի մասը այժմ աշխատում է մեր անժայրածիր Հայրենիքի տարբեր անկյուններում՝ Ղազախստանում, Ուզբեկստանում, Բաշկիրիայում, Ուրալում, Սիբիրում, Հեռավոր Արևելքում, սոցիալիստական արդյունաբերության ու գյուղատնտեսության տարբեր բնագավառներում:

Ռեսպուբլիկայում մեծ ուշադրություն է դարձվում նաև գիտա-հետազոտական աշխատանքներին, որոնք կատարվում են ավելի քան 80 գիտական հիմնարկներում: Ադրբեջանական ՍՍՌ Գիտությունների ակադեմիան հանդիսանում է գիտական մտքի կենտրոն, որը միավորում է գիտության բոլոր բնագավառներն ընդգրկող 20-ից ավելի գիտական հիմնարկներ: Այնտեղ աշխատում են մոտ 5 հազար գիտաշխատողներ, այդ թվում 220 պրոֆեսորներ ու գիտության դոկտորներ և 2000-ից ավելի գիտության թեկնածուներ: Գիտության ու տեխնիկայի 127 գործիչների շնորհիվ է Ստալինյան մրցանակ:

Գիտությունների ակադեմիայի գիտնականները մշակում են քիմիայի, ֆիզիկայի, մաթեմատիկայի, տեխնիկայի, երկրաբանության, կենսաբանության, պատմության, բանասիրության, արվեստի, տնտեսագիտության, փիլիսոփայության, արևելագիտության և այլ պրոբլեմներ: Սովետական իշխանության տարիներին Ադրբեջանի գիտնականները հասել են նշանակալից հաջողությունների գիտության շատ բնագավառներում:

Գիտնականները մեծ աշխատանք են կատարել հումանիտար գիտությունների բնագավառում: Հնագետները կատարել են մի շարք հնագիտական խոշոր աշխատանքներ, որոնցից կարևորագույնն են պեղումները Մինգեչաուրում,

Օրեն-կալայում և այլն: Պատմաբանները հրատարակել են մենագրական հետազոտություններ, որոնք նվիրված են հին, միջնադարյան, նախառևոյունցիոն և սոցիալիստական Ադրբեյջանի պատմության տարբեր ժամանակաշրջաններին: Ավարտվում է եռահատոր «Ադրբեյջանի պատմության» կոլեկտիվ աշխատանքը:

Զգալի նվաճումներ կան ադրբեյջանական գրականության պատմության ուսումնասիրության բնագավառում: Ստեղծված են մի շարք մենագրական աշխատություններ, որոնք նվիրված են առանձին գրողներին ու գրականության պրոբլեմներին: Դրանցից պետք է նշել եռահատոր «Ադրբեյջանական գրականության պատմությունը», որի սովետական գրականության ժամանակաշրջանը ընդգրկող երրորդ հատորը արդեն հրատարակվել է, իսկ I և II հատորները տպագրվում են և շուտով լույս կտեսնեն: Լեզվաբանները հետազոտել են աղբյուրեջանական լեզվի պատմության և տեսության հարցերը, ուսումնասիրել են ադրբեյջանական լեզվի բարբառները, կազմում են բառարաններ:

Հրատարակված են և պատրաստվում են տպագրության մի շարք աշխատություններ ճարտարապետության ու արվեստի բնագավառից: Ավարտվում է երկհատորանոց «Ադրբեյջանի ճարտարապետությունը»: Ուսումնասիրվում են ադրբեյջանական թատրոնի, երաժշտության, կերպարվեստի ու կիրառական արվեստի պատմությունները: Ժողովրդական տնտեսության կարիքների հետ սերտ կապի մեջ են գտնվում տնտեսագետների աշխատությունները: Նավթարդյունաբերության և գյուղատնտեսության էկոնոմիկայի բնագավառում իրականացված են գործնական նշանակություն ունեցող մի շարք հետազոտություններ: Եռանդուն աշխատանք է տարվում ադրբեյջանական ժողովրդի հասարակական ու փիլիսոփայական մտքի պատմությունը ուսումնասիրելու ասպարեզում: Ուսումնասիրվում են դիալեկտիկական ու պատմական մատերիալիզմի հարցերը: Ադրբեյջանի արևելագետները աշխատանքներ են կատարում Մերձավոր և Միջին Արևելքի երկրները՝ Իրանը, Թուրքիան և արաբական երկրները ուսումնասիրելու ուղղությամբ:

Ընդլայնվում են Գիտությունների ակադեմիայի ինստիտուտների դիտահետազոտական աշխատանքները: Մոտակա տարիներին նախատեսվում է փորձառական բժշկության, ավտոմատիկայի և տեղեմխանիկայի, օրգանական քիմիայի, նյութական կուլտուրայի պատմության, լեզվագիտության, փիլիսոփայության և այլ դիտահետազոտական նոր ինստիտուտների ստեղծում: 1958 թվականին Կիրովլարադում ստեղծվեց Ադրբեյջանական Գյուղատնտեսական ակադեմիան, որը միավորում է տասը դիտական հիմնարկներ:

Գիտա-տեսական ու գործնական մեծ աշխատանքներ են կատարվում բժշկության բնագավառում: Բարձրորակ կադրեր նախապատրաստելու գործում բժշկությունը առաջին տեղն է գրավում ռեսպուբլիկայում: Ադրբեյջանում կան գիտա-բժշկական 9 ինստիտուտներ:

Ադրբեյջանի ժողովրդական Տնտեսության խորհուրդը նույնպես իր կազմում ունի գիտա-հետազոտական ինստիտուտներ, որոնք մշակում են նավթարդյունաբերության հետ կապված տարբեր պրոբլեմներ:

Ռևոլյուցիոն շարժման պատմության ու Կոմունիստական պարտիայի պատմության ուսումնասիրման, ինչպես նաև մարքսիզմ-լենինիզմի կլասիկների ստեղծագործությունների հրատարակման գործում զգալի աշխատանք է կատարել Ադրբեյջանի ԿՊ Կենտկոմին առընթեր Պարտիայի պատմության ինս-

տիտուտը (ՍՄԿՊ Կենտկոմին առընթեր Մարքսիզմ-լենինիզմի ինստիտուտի ֆիլիալը):

Մեծ է մամուլի նշանակությունը աշխատավոր մասսաների լայն խավերի մեջ սովետական դադափարախոսությունը, գրականության ու արվեստի նվաճումները տարածելու գործում:

Ազգային մամուլը առանձնահատուկ դեր է կատարում ժողովրդի կյանքում, աշխատավորների կուլտուրական զարգացման մեջ, նրանց դադափարական-քաղաքական աճման մեջ: Մամուլն արտացոլում է կուլտուրական շինարարության բոլոր նվաճումները: Այդ առանձնապես վերաբերում է պարբերական մամուլին: Սովետական իշխանության նախօրեին Ադրբեջանում հրատարակվում էր ընդամենը 15 լրագիր, ապա այժմ նրանց թիվը աճել է մինչև 118: «Բակինսկի ռաբոչի» հնագույն թերթը հրատարակվում է 1906 թվականից ուսերեն լեզվով, ադրբեջաներեն լեզվով «Կոմունիստ» թերթը՝ 1919 թվականից: Դրանցից բացի լույս են տեսնում նաև այլ թերթեր ուսերեն, ադրբեջաներեն և հայերեն լեզուներով:

Ռեսպուբլիկայում հաշվվում է 2170 գյուղական գրադարան: Ըստ 1954 թվականի, Սովետական Ադրբեջանում յուրաքանչյուր բնակչին ընկնում է միջին հաշվով, 2,5 գրադարանային գիրք: Ռեսպուբլիկայի գրքային ֆոնդը օր-օրի ավելանում է:

Դյուրին խնդիր չէ, թեկուզ ընդհանուր գծերով, ներկայացնել ադրբեջանական ժողովրդի նվաճումները կուլտուրական շինարարության բնագավառում, որին պարտիան և Սովետական կառավարությունը առանձնահատուկ ուշադրություն են նվիրում: Ռեսպուբլիկայի ժողովրդական տնտեսության զարգացման յոթնամյա պլանով նախատեսվում է կատարել խոշոր ներդրումներ դիտա-հետազոտական, կուլտուրական և կուլտուր-լուսավորական հիմնարկների շինարարության մեջ: Բավական է նշել, որ Ադրբեջանական ՍՍՌ Գիտությունների ակադեմիայի գծով կապիտալ ներդրումների ծավալը յոթնամյակում կկազմի 156,6 միլիոն ռուբլի:

Իր վերածննդի քառասնամյակն ադրբեջանական ժողովուրդը դիմավորում է արդյունաբերության և գյուղատնտեսության, գիտության և լուսավորության, գրականության ու արվեստի բնագավառներում հսկայական նվաճումներով: Լենինյան հանճարեղ ազգային քաղաքականության անշեղ կենսագործման շնորհիվ, ադրբեջանական ժողովուրդը դարձավ եղբայրական սովետական ժողովուրդների մեծ ընտանիքի իրավահավասար անդամը: Քառասուն տարիների ընթացքում, կոմունիստական հասարակություն կառուցելու համատեղ պայքարում, էլ ավելի ամրապնդվեցին սոցիալիստական ազգերի անխախտ բարեկամության կապերը, էլ ավելի միաձուլվեցին դարձան նրանց շարքերը: Ադրբեջանի աշխատավորները, հավատարիմ լինելով ժողովուրդների մեծ առաջնորդ Վ. Ի. Լենինի պատգամներին, երախտագիտության խոր զգացմունքով են համակված Կոմունիստական պարտիայի հանդեպ՝ ապահովված երջանիկ, բերկալի կյանքի համար, ժողովրդական լուսավորության, գրականության, գրականության ու արվեստի զարգացման մեջ նվաճած մեծ հաջողությունները համար:

РАЗВИТИЕ СОЦИАЛИСТИЧЕСКОЙ КУЛЬТУРЫ В АЗЕРБАЙДЖАНЕ

М. АРИФ (Баку)

(Р е з ю м е)

После установления Советской власти в Азербайджане были осуществлены необходимые мероприятия для ликвидации унаследованной от буржуазно-помещичьего строя отсталости, для приобщения азербайджанского народа к достижениям мировой культуры и науки. По инициативе Коммунистической партии и Советского правительства были открыты многочисленные школы, высшие учебные заведения и другие научно-исследовательские учреждения, в которых с помощью русских специалистов за короткий период были подготовлены национальные кадры интеллигенции, осуществившие культурную революцию в Азербайджане.

Благодаря претворению в жизнь ленинской национальной политики некогда отсталая, полуколониальная страна с почти сплошным неграмотным населением за 40 лет стала одной из цветущих советских республик с высокоразвитой социалистической культурой. Расцвели национальные по форме, социалистические по содержанию литература, искусство, наука. За годы Советской власти в литературе возник и развился жанр романа, который в досоветский период был в зачаточном состоянии. То же самое можно сказать и об азербайджанском театре, опере, балете, кино, изобразительном искусстве и архитектуре.

Азербайджанский народ добился крупных успехов и в области науки. За 40 лет высшие учебные заведения республики дали стране 110 тысяч высококвалифицированных специалистов, работающих не только в Азербайджане, но и в других братских республиках. Академия наук Азербайджанской ССР объединяет свыше 20 научно-исследовательских институтов, в которых работает 220 профессоров и докторов наук и более 2000 кандидатов наук. Другой многочисленный отряд ученых работает в научно-исследовательских учреждениях Совета Народного Хозяйства республики и в основанной в 1958 г. в Кировабаде Азербайджанской сельскохозяйственной академии, объединяющей 10 научно-исследовательских институтов.

В досоветский период в Азербайджане издавалось всего 10 газет, между тем как сейчас их число достигло 118-ти. В настоящее время на каждого жителя республики приходится 2½ книги в библиотеках, причем с каждым днем растет как число библиотек, так и их книжный фонд.

При взаимной помощи других братских народов, под руководством Коммунистической партии Советский Азербайджан стал активным борцом за построение коммунизма в нашей стране и всемерно способствует развитию социалистической культуры и науки советского народа.